

**TSAB NTAUV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25**

**YOG IB QHO KEV NYAB XEEB THIAB RUAJ KHOV RAU HAUV
OREGON: COV NTAUB NTAUV QHIA TXOG KEV SAIB XYUAS KEV
NOJ QAB HAUS HUV RAU TUS KAB MOB KHAUS VIV-19 (COVID-19),
THIAB KEV NQIS TES NPAJ QHIB KEV LAG LUAM DUA RAU HAUV
OREGON**

Thaum lub Ob Hlis Ntuj 28, 2020, kuv tau teeb tsa Pawg Kws Tiv Thaiv Tus Kab Mob Khaus Lauv Nam Vais Lav (Coronavirus) rau hauv Lub Xeev Oregon lawm.

Thaum lub Ob Hlis Ntuj 29, 2020, lub chaw hauj lwm Department of Human Services tau tsim cov cai txwv nruj, kev txwv tsis pub mus saib rau ntawm cov chaw saib xyuas mob nkeeg uas tsis muaj neeg, suav txog rau ntawm cov tsev laus tu neeg mob.

Thaum lub Peb Hlis Ntuj 2, 2020, lub Chaw Lis Hauj Lwm Txog Xwm Txheej Kub Ntxhov Ceev Hauv Lub Xeev Oregon tau nqis tes ua kiag lawm.

Thaum lub Peb Hlis Ntuj 8, 2020, kuv tau tshaj tawm txog qhov xwm txheej kub ntxhov ceev raws li txoj cai ORS 401.165 *et seq.* lawm vim qhov muaj kev txaus ntshai txog kev noj qab haus huv rau pej xeem sawv daws los ntawm tus kab mob sib kis tshiab khaus lauv nam vais lav (coronavirus, COVID-19).

Thaum lub Peb Hlis Ntuj 12, 2020, kuv tau txwv tsis pub ua cov koob tsheej uas yuav muaj neeg tuaj sib ntsib ua ke coob txog 250 leej los sis ntau dua, thiab tau tshaj tawm thoob plaws rau hauv lub xeev txog kev kaw cov tsev kawm ntawv K-12 nyob hauv Oregon kom tag rau thaum lub Peb Hlis Ntuj 16, 2020, mus txog rau lub Peb Hlis Ntuj 31, 2020.

Thaum lub Peb Hlis Ntuj 13, 2020, Tus Thawj Kav Teb Chaws Mes Kas tau tshaj tawm txog kev sib kis ntawm Tus Kab Mob Khaus Viv-19 (COVID-19) yog ib qho xwm txheej kub ntxhov ceev rau hauv lub teb chaws lawm.

Thaum lub Peb Hlis Ntuj 16, 2020, Lub Tsev Hauj Lwm Saib Xyuas Tib Neeg (Department of Human Services) tau tsim cov cai tiv thaiv tshiab txhawm rau kev txwv cov neeg tuaj saib hauv cov chaw saib xyuas mob nkeeg mus ntev thiab lwm cov chaw nyob. Lub chaw Oregon Health Authority tau coj cov cai zoo sib xws no los siv rau ntawm Oregon State Hospital thiab lwm cov chaw saib xyuas mob nkeeg, thiab tau txwv tsis pub nkag mus rau hauv Oregon State Hospital. Cov Chaw Kaw Neeg Hauv Oregon (Oregon Department of Corrections) yeej tau ncu

tsis pub txhua tus neeg tuaj saib nkag mus tau rau hauv cov tsev kaw neeg hauv lub xeev lawm.

Thaum lub Peb Hlis Ntuj 17, 2020, Kuv tau txwv tsis pub neeg tuaj sib ntsib ua ke coob tshaj 25 leej los sis ntau dua, txwv tsis pub noj mov thiab haus dej haus cawv rau ntawm tej chaw thoob plaws huv lub xeev, thiab muab sij hawm kaw tsev kawm ntawv kom mus txog rau thaum lub Plaub Hlis Ntuj 28, 2020. Kuv kuj tau hais rau txhua cov chaw ua lag luam uas tsis pw nyob rau cov kev txwv no kom ua raws li cov cai nyob kom sib nrug deb.

Thaum lub Peb Hlis Ntuj 18, 2020, kuv tau hais kom ncuu tsis txhob qhia ntawv tim ntsej tim muag rau ntawm cov tsev kawm ntawv qeb siab kom mus txog rau thaum lub Plaub Hlis Ntuj 28, 2020.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV OB**

Thaum lub Peb Hlis Ntuj 19, 2020, Kuv tau hais kom ncuu cov kev phais mob uas tsis yog yam yuav tau phais sai, txhawm rau txuag cov khoom siv tiv thaiv rau yus tus kheej (PPE) thiab siv rau hauv cov txaj saib xyuas mob nkeeg kom muaj txaus los tiv thaiv qhov xwm txheej kub ntshov ceev hauv lub xeev rau Tus Kab Mob Khaus Viv-19 (COVID-19). Kuv kuj tau hais mus rau Oregon Health Authority kom muab cov lus qhia txog cov kev txwv thiab kev kuaj xub thawj rau cov neeg tuaj saib hauv cov tsev kho mob thiab cov phais mob sai sai.

Thaum lub Peb Hlis Ntuj 22, 2020, kuv tau tsim ib txoj cai los pab ncuu them cov nqi vaj tsev mus ib ntus rau cov neeg uas yuav raug ntiab tawm hauv lawv lub tsev vim tsis tau them nqi, txwv tsis pub feem siv txoj cai los lis hauj lwm, ua hauj lwm, los sis sau ntawv ceeb toom, sau ntawv txib los sis sau ntawv tso tseg thim khiab tsev nyob rau cov neeg uas yuav raug ntiab tawm vim tsis tau them nqi.

Thaum lub Peb Hlis Ntuj 23, 2020, kuv tau hais rau cov neeg nyob hauv Oregon kom “Nyob Twj Ywm Rau Hauv Tsev, Cawm Tau Txoj Sia,” hais kom cov neeg nyob twj ywm rau hauv tsev ntau li ntau tau, tau hais kom kaw qee cov khw muag khoom tshwj xeeb, siv cov cai nyob sib nrug deb rau thaum mus rau ntawm lwm cov chaw muaj tswv ntiag tug thiab tej chaw uas pej xeeb sawd daws mus, thiab yuav tsum siv cov cai no rau ntawm tej chaw nyob sab nrauv zoov thiab cov chaw muaj ntaub ntawv tso cai zov me nyuam.

Thaum lub Plaub Hlis Ntuj 1, 2020, kuv tau tshaj tawm daim ntawv ncuav kev them nqi vaj tse mus ib ntus txhawm rau pab txo kev raug ntiab tawm hauv lub chaw nyob thiab tsis yog chaw nyob thiab kev rau lub txim vim tsis tau them nqi khiab tsev nyob, yuav pab ua kom cov neeg tuaj yeem nyob hauv lawv lub tsev tau raws li siab xav, thiab muab kev saib xyuas tseem ceeb rau sawv daws tau rau thaum lub sij hawm muaj xwm txheej kub ntxhov ceev no.

Thaum lub Plaub Hlis Ntuj 8, 2020, kuv tau tshaj tawm txog kev kaw tsev kawm ntawv thiab ncuav kev qhia ntawv tim ntsej tim muag rau ntawm cov tsev kawm ntawv qib siab kom mus tag lub sij hawm kawm ntawv thiab lub xyoo kawm tam sim no.

Thaum Lub Plaub Hlis Ntuj 13, 2020, kuv tau tshaj tawm tias Oregon tau cog lus nrog Cov Xeev Nyob Sab Hnub Poob xws li Xeev Washington thiab California txog kev tiv thaiv Tus Kab Mob Khaus Viv-19 (COVID-19) thiab kev rov qab qhib kev lag luam ntawm peb. Xeev Colorado thiab Nevada tau los koom cog lus nrog Cov Xeev Nyob Sab Hnub Poob.

Thaum lub Plaub Hlis Ntuj 15, 2020, kuv tau tshaj tawm kom siv qee yam tseem ceeb txhawm rau los mus ua kom muaj kev kaj huv hauv tsoom neeg cov kev sib ntsib thiab pab rau cov kev khiav hauj lwm mus ntxiv los ntawm tsoom fwm hauv cov zej zos thaum lub sij hawm Tus Kab Mob Khaus Viv-19(COVID-19) kis nthuav dav heev.

Thaum Lub Plaub Hlis Ntuj 27, 2020, kuv tau sau tsab ntawv txib tso cai rov qab qhib cov chaw uas tsis yog chaw saib xyuas mob nkeeg ceev, kom mus raws li cov cai tshaj tawm los ntawm Oregon Health Authority (Feem Muaj Cai Saib Xyuas Mob Nkeeg Hauv Oregon) txhawm rau kom tsev kho mob muaj rab peev xwm txaus los muab kev saib xyuas mob nkeeg thiab muaj cov khoom siv PPE txaus.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV PEB**

Lub koom haum World Health Organization txiav txim tias Tus Kab Mob Khaus Viv-19 (COVID-19) yog ib tug kab mob sib kis thoob plaws tau rau hauv ntiav teb. Tus Kab Mob Khaus Viv-19 (COVID-19) ua rau muaj tus kab mob ua pa nyuaj cuam tshuam ua rau muaj mob loj los sis tuag tau. Tus Kab Mob Khaus Viv-19 (COVID-19) sib kis los ntawm ib tug neeg rau ib tug neeg thaum hnoos, txham, nyob sib ze, xws li chwv ib yam khoom uas muaj tus kab mob vais lav tsuas rau, thiab dhau ntawd ces chwv mus rau koj lub qhov ncauj, qhov ntswg, los sis qhov muag.

Cov kws saib xyuas kev noj qab haus huv rau pej xeeb ntawm lub xeev thiab hauv ib cheeb tsam qhia tias tus kab mob vais lav no tab tom sib kis rau hauv lub zos thiab xav tias yuav muaj neeg sib kis tus mob ntau ntxiv vim los ntawm tau tso tseg cov cai txwv. Los txog hnuv no, muaj tsawg kawg 3,416 tus neeg kis tus kab mob thiab 134 tus neeg tuag nyob hauv Oregon, nrog rau muaj ntau tshaj 80,000 leej tau tuag nyob thoob plaws hauv lub teb chaws. Vim qhov Tus Kab Mob Khaus Viv-19 (COVID-19) no yuav rov tshwm sim tuaj tau yog tsis muaj kev tiv thaiv kom nyob li qub, peb yuav tsum npaj kom txhij, thaum peb npaj yuav txo cov kev txwv no mus ntxiv.

Kev cais lub cev nyob kom sib nrug deb, “Nyob Twj Ywm Hauv Tsev, Cawm Tau Txoj Sia”, kev txib hais, thiab lwm yam tseem ceeb uas tau hais los saum toj saud pab ua rau kev sib kis Tus Kab Mob Khaus Viv-19 (COVID-19) hauv Oregon mus qeeb thiab tsawg. Raws sau tseg rau hauv Tsab Ntawv Txib (Xaj) Ntawm Feem Tswj Xyuas Txoj Cai, Lub Xeev yuav ua raws li zeeg sij hawm, saib raws li cov ntaub ntawv tshwm sim, thiab cov tswv yim txhawm rau kev rov qab qhib kev mus los rau sawv daws, qhib kev lag luam, thiab lwm cov hauj lwm rau hauv Oregon. Txheej txheem rov qab qhib no yuav tsum ua kom haum raws li feem xav tau ntawm pej xeeb sawv daws txhawm rau kev rov qab tsim kho thiab txhawb nqa rau peb cov neeg pej xeeb kom mus los tau li qub thiab khwv noj khwv haus tau li qub nrog rau muaj kev tiv thaiv kom Tus Kab Mob Khaus Viv-19 (COVID-19) txhob rov qab tshwm sim dua ntxiv uas yuav cuam tshuam tseem ceeb rau kev noj qab haus huv ntawm pej xeeb sawv daws rau niaj hnuv tam sim no. Cov hom phiaj ntawm txheej txheem rov qab qhib muaj xws li kev pab txo kom muaj neeg mus pw kho mob tsawg thiab txo kom txhob muaj neeg tuag coob; txo feem tshwm sim tsis zoo rau cov neeg ua hauj lwm; zam tsis ua kom muaj cov neeg mus kho mob coob heev uas tsis muaj chaw txaus kho; tso cai cia cov neeg rov qab mus ua hauj lwm tau, yog li ntawd lawv thiaj pab tau lawv tus kheej thiab lawv tsev neeg; tiv thaiv cov neeg uas muaj feem muaj mob hnyav; tshwj xeeb mas cov zej zos neeg muaj tsos nqaj txawv xim; thiab pub cia sawv daws tuaj sib sau ua ke tau tab sis tsis pub coob leej txhawm rau kev sib khiav hauv lub zos thiab kev ua kab lis kev cai ub no.

Kev yuav ua kom tau zoo rau zeeg sij hawm rov qab qhib no yog nce raws li rab peev xwm ntawm cov tswv num hauj lwm, cov neeg ua hauj lwm, thiab pej xeeb sawv daws txhawm rau yuav tsum ua raws li cov cai (maj tab kas) nyob kom sib nrug deb, kev nyab xeeb thiab feem saib xyuas kev noj qab haus huv rau pej xeeb. Kev tiv thaiv thiab tswj kav kev sib kis kab mob thiab kev txo kom Tus Kab Mob Khaus Viv-19 (COVID-19) sib kis tau qeeb yog ib txoj hau kev zam kom txhob muaj kev cuam tshuam rau cov khw lag luam thiab zej tsoom sawv daws rau yav tom ntej, thiab ua rau kev khwv noj khwv haus thiab lub neej mus los hauv Oregon rov qab khiav tau mus los li qhov qub. Kev mob siab koom tes ntawm cov neeg nyob hauv Oregon yav dhau los txog rau niaj hnuv tam sim no ua rau kuv ntseeg

siab tau tias peb Lub Xeev tuaj yeem ua tau zoo mus ntxiv rau yav tom ntej nrog rau maj mam rov qab qhib mus raws li zeeg sij hawm npaj tseg.

YOG LI NTAWD TAM SIM NO THIAJ TAU SAU DAIM NTAWV TSHAJ TAWM KOM UA RAW S TIAS:

Yuav tau ua raws li txoj cai ORS 433.441, ORS 401.168, ORS 401.175, thiab ORS 401.188, kuv tau txib hais raws li nram qab no:

**TSAB NTAWV TXIB (XAJ) NTAWM FEEM TSWJ XYUAS TXOJ CAI NAB NPAWB. 20-25
NPLOOJ NTAWV PLAUB**

Zeeg Sij Hawm thiab Cov Hauj Lwm Npaj rau Kev Rov Qab Qhib Lub Xeev Oregon Kom Muaj Kev Nyab Xeeb thiab Ruaj Khov

1. Tsab Ntawv Txib (Xaj) Ntawm Feem Tswj Xyuas Txoj Cai no thim thiab pauv hloov rau Cov Ntawv Txib (Xaj) Ntawm Feem Tswj Xyuas Txoj Cai yav dhau los, cov cai ntsig txog kev teev cov hauv paus ntaub ntawv, thiab cov txheej txheem npaj rov qab qhib lub xeev.
 - a. Cov Hauv Paus Cai. Tsab Ntawv Txib (Xaj) Ntawm Feem Tswj Xyuas Txoj Cai no hais txog cov hauv paus cai xws li nram qab no—cov cai (maj tab kas) tseem ceeb ntsig txog kev tiv thaiv thoob plaws hauv lub xeev—uas cov neeg nyob hauv Oregon thiab cov khw lag luam nyob hauv Oregon yuav tsum tau ua mus ntxiv, txhawm rau kom peb cov neeg zej zos sawv daws muaj kev nyab xeeb thiab txhawm rau muab kev tso cai rov qab qhib mus ntxiv lawv yav tom ntej. Cov hauv paus cai no siv tau thoob plaws lub xeev, zam rau cov lus txib thiab cov lus qhia uas raug kho dua tshiab los ntawm zeeg sij hawm npaj rov qab qhib, los sis tau tso cai hloov kho raws li Tsab Ntawv Txib (Xaj) Ntawm Feem Tswj Xyuas Txoj Cai no.
 - b. Zeeg Sij Hawm Npaj Rov Qab Qhib. Kev mob siab koom tes ntawm cov neeg nyob hauv Oregon yav dhau los txog rau niaj hnuv tam sim no ua rau kuv ntseeg siab tau tias peb Lub Xeev tuaj yeem ua tau zoo mus ntxiv rau yav tom ntej nrog rau maj mam rov qab qhib mus raws li zeeg sij hawm npaj tseg. Cov txheej txheem ntawd muaj peb zeeg sij hawm—Zeeg Sij Hawm I, Zeeg Sij Hawm II, thiab Zeeg Sij Hawm III. Maj mam tso cai qhib mus ntxiv raws li cov zeeg sij hawm no.

- c. Txheej Txheem ntawm Tsab Ntawv Txib (Xaj) Ntawm Feem Tswj Xyuas Txoj Cai. Koog lus 2–12 ntawm Tsab Ntawv Txib (Xaj) Ntawm Feem Tswj Xyuas Txoj Cai hais txog cov hauv paus cai uas yuav siv thoob plaws rau hauv lub xeev ua ntej ib cheeb tsam nroog los sis Lub Xeev yuav pib siv Zeeg Sij Hawm I, thiab siv txuas mus ntxiv tshwj tsis yog tau kho dua tshiab thiab siv mus kom txog thaum kho dua tshiab. Qee cov hauv paus cai no yuav raug hloov kho dua tshiab rau hauv Zeeg Sij Hawm I, thiab rau cov zeeg sij hawm tom ntej raws li sau tseg rau hauv koog lus 13–22.

Cov Hauv Paus Cai.

2. Nyob Twj Ywm Hauv Tsev, Cawm Txoj Sia. Kev saib xyuas kom peb lub zej zos muaj kev nyab xeeb thiab kev rov qab qhib kev khwv noj khwv haus yog saib raws cov neeg nyob hauv Oregon txhawm rau kev nyob twj ywm hauv tsev thiaj cawm tau txoj sia, thiab kev ua raws li cov cai caiv nyob kom sib nrug deb thiab lwm cov cai (maj tab kas) ceev rau kev noj qab haus huv. Nws tseem ceeb rau kev noj qab haus huv, kev nyab xeeb, thiab kev noj qab nyob zoo ntawm Lub Xeev Oregon rau thaum lub sij hawm siv txoj cai tswj qhov xwm txheej kub ntxhov ceev rau hauv lub xeev txhawm rau kom cov neeg yuav tau nyob twj ywm rau hauv tsev los sis nyob rau ntawm lawv lub chaw nyob, raws li qhov ua tau. Yuav ua tau raws li hais, yuav tsum ua raws li txoj cai ORS 433.441(3), ORS 401.168(1), ORS 401.175(3),

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV TSIB**

thiab ORS 401.188(2) txog (3), thiab saib raws li cov cai nplua uas tau sau tseg rau hauv ORS 401.990, kuv muab kev txib raws li nram qab no:

- a. Cov neeg sawv daws yuav tsum ua raws li cov kev txwv ntsig txog kev sib sau tuaj ua ke rau ntawm tej raws li sau tseg rau hauv koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai.
- b. Txwv tsis pub cov neeg tuaj rau ntawm cov khw lag luam uas tseem raug kaw raws li koog lus 2 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thiab ua tej yam yuav raug txwv raws li Tsab Ntawv Txib (Xaj) Ntawm Feem Tswj Xyuas Txoj Cai los sis tsis ua raws li cov lus qhia uas raug muab los ntawm Oregon Health Authority (OHA).

- c. Thaum cov neeg tawm ntawm lawv lub tsev los sis tawm ntawm lub chaw nyob mus sab nrauv, lawv yuav tsum nyob kom sib nrug deb ntawm lwm cov neeg uas tsis yog lawv tsev neeg tsawg kawg rau (6) fij, yog ua tau thiab yuav tsum ua raws li txhua cov lus qhia ntawm OHA xws li kev nyob kom sib nrug deb thiab kev npog ntsej muag. OHA cov lus qhia no muaj nyob rau ntawm <https://govstatus.egov.com/OR-OHA-COVID-19>.
3. Kev sib sau ua ke. Kev sib sau ua ke yuav ua rau muaj pheej hmoo kis tau Tus Kab Mob Khaus Viv-19 (COVID-19) tau zoo, vim kev sib koom nrog coob leej ua ke yog ib qho ua rau tus kab mob kis tau zoo thiab yog muaj ib tug neeg raug tus kab mob tuaj koom rau ntawm pawg neeg no ces haj yam yuav ua rau sib kis tau zoo tau sai heev, yuav ua rau kev soj qab xyuas cov neeg nyob ze nrog tus neeg raug mob no tau nyuaj heev. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(2), kuv txib hais raws li nram qab no:
- a. Kev Sib Sau Ua Ke Los Ntawm Kev Ua Kab Lis Kev Cai, Lub Chaw Pej Xeem Sawv Daws Tuaj Sib Ntsib, thiab Lub Chaw Hawm Kev Ntseeg. Tsis tsis pub tuaj sib sau ua ke los ntawm kev ua kab lis kev cai, lub chaw pej xeem sawv daws tuaj sib ntsib, thiab lub chaw hawm kev ntseeg uas yuav muaj neeg tuaj coob tshaj 25 leej. Tso cai rau sawv daws tuaj sib sau ua ke los ntawm kev ua kab lis kev cai, lub chaw pej xeem sawv daws tuaj sib ntsib, thiab lub chaw hawm kev ntseeg uas muaj neeg tuaj tsawg dua 25 leej los sis tsuas tso cai tau yog tuaj yeem caiv nyob kom sib nrug deb tau tsawg kawg rau (6) fij ntawm lwm tsev neeg sib txawv, thiab yog ua tau raws li lwm txoj cai nyob kom sib nrug deb ntawm OHA.
- b. Kev Sib Sau Ua Ke Ntawm Pej Xeem Sawv Daws thiab Tuaj Rau Ntawm Lub Chaw Ua Si. Kev sib sau ua ke ntawm pej xeem sawv daws thiab tuaj rau ntawm lub chaw ua si rau sab nrauv lub tsev los sis ub chaw nyob tseem raug txwv mus ntxiv, txawm yuav muaj neeg coob tsawg li cas los xij, txawm yuav caiv nyob kom sib nrug deb tsawg kawg rau (6) fij ntawm lwm cov neeg sib txawv los xij, tsaus tso cai tuaj sib sau ua ke tau thiab tuaj sib ntsib rau ntawm lub chaw ua si tau tsis tshaj kaum (10) leej.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV RAU**

- c. Koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tsuas siv rau kev sib sau tuaj ua ke xwb, thiab

siv tsis tau rau cov chaw ua hauj lwm, cov khw muag khoom noj, thiab cov khw muag khoom, cov khw muag khoom siv uas nrhiav yuav tau yooj yim, cov tuam txhab nyiaj thiab cov koom haum credit unions, cov chaw muag roj tshab, cov tsev so los sis chaw so, cov chaw saib xyuas mob nkeeg, cov khw muag tshuaj, cov chaw zov me nyuam yaus, thiab cov chaw ua hauj lwm ntawm tsoom fww hauv xeev los sis hauv lub zos.

- d. Tus Thawj Hauv Tswj Kav Xeev yuav hloov kho cov ntawv txib ntawm koog lus 3 ntwm Tsab Ntawv Txib (Xaj) Ntawm Feem Tswj Xyuas Txoj Cai rau thaum tsim nyog. Txhua cov ntaub ntawv hloov kho dua tshiab yuav muaj nyob rau ntawm <https://govstatus.egov.com/OR-OHA-COVID-19>.

- 4. Khoom Noj thiab Khoom Haus. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(1) txog (3), cov hauv paus cai txwv nram qab no txog rau cov khoom noj thiab khoom haus tseem yuav siv mus ntxiv kom txog thaum raug hloov kho rau hauv Zeeg Sij Hawm I (ua mus raws li koog lus 17(b) ntawm Tsab Ntawv Txib (Xaj) Ntawm Feem Tswj Xyuas Txoj Cai), los sis lwm cov cai:

- a. Cov khw noj mov, khw haus dej haus cawv, khw muag dej cawv, chaw cub cawv, chaw haus cawv vais, chaw haus dej kas fes, cov sam thiaj noj khoom noj, cov khw muag dej kas fes, cov koom haum, los sis lwm cov chaw zoo sib xws li hais los no uas muag khoom noj los sis dej haus yog tsis tso cai los sis tsis pub noj rau ntawm lub chaw muag khoom noj los sis dej haus.
- b. Cov chaw uas tseem pub muag khoom noj los sis dej haus tab sis tsis pub noj rau ntawm chaw (xws li., yuav nqa mus noj tom tsev los sis tsav tshab hla mus yuav raws ntawm lub qhov rooj yuav) los sis hais kom xa tuaj. Cov chaw muag khoom noj li hais los no yuav tsum ua raws li cov cai nyob kom sib nrug deb ntawm cov neeg qhua tsawg kawg yog rau (6) fij rau thaum txib yuav, tos, los sis nyob tos rau ntawm txoj kab, ua raws li cov lus qhia los ntawm OHA. Yog ua tau kuj yuav tsum siv cov cai nyob kom sib nrug deb ntawm cov neeg ua hauj lwm tsawg kawg rau (6) fij. Kev muag txhua yam cawv rau ntawm cov chaw uas tsis pub haus rau ntawm lub chaw ntawd yuav tsum coj raws li txoj cai ORS tshooj 471 thiab txhua txoj cai kav uas raug coj los siv.
- c. Koog lus 4 ntawm Tsab Ntawv Txib (Xaj) Ntawm Feem Tswj Xyuas Txj Cai no siv tsis tau rau cov chaw saib xyuas mob nkeeg,

cov chaw zov me nyuam yaus, cov chaw ua hauj lwm, cov chaw ua hauj lwm ntawm tsoom fwv, cov chaw saib xyuas xwm txheej kub ntxhov ceev, cov kev pab khoom noj tuaj rau tom tsev kawm ntawv, thiab kev pab chaw nyob thiab kev pab puas mov noj rau cov neeg tsis taus. Yuav tsum siv cov cai nyob sib nrug deb rau ntawm cov chaw zoo li no, teem lub sij hawm kom sib nrug, nqa cov khoom noj mus noj rau tom tsev, thiab siv lwm cov cai tiv thaiv thiaj li yuav pab txo tsis kis tau Tus Kab Mob Khaus Viv-19 (COVID-19).

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV XYA**

- d. Tus Thawj Hauv Tswj Kav Xeev yuav hloov kho cov ntawv txib ntawm koog lus 4 ntawm Tsab Ntawv Txib (Xaj) Ntawm Feem Tswj Xyuas Txoj Cai rau thaum tsim nyog. Txhua cov ntaub ntawv hloov kho dua tshiab yuav muaj nyob rau ntawm <https://govstatus.egov.com/OR-OHA-COVID-19>.
5. Kev Kaw Qee Cov Chaw Lag Luam. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(1) txog (3), cov hauv paus cai txwv nram qab no rau cov khw lag luam tseem yuav siv mus ntxiv kom txog thaum raug hloov kho rau hauv Zeeg Sij Hawm I (ua mus raws li koog lus 17(b) ntawm Tsab Ntawv Txib (Xaj) Ntawm Feem Tswj Xyuas Txoj Cai), los sis lwm cov cai:
- a. Kev ua hauj lwm ntawm cov khw lag luam nram qab no, uas zam tsis tau kom txhob nyob sib ze tau , tseem raug txwv tsis pub qhib mus ntxiv:

Cov chaw ua si; tej chaw yug ntses; tej chaw taug kev uas muaj ob tus rus tsev; cov khw txiav plaub hau thiab cov chaw zawv plaub hau; chaw pov bowling; cov chaw muag khoom pleev ntsej muag kom zoo nkauj; chaw dia tes taw; tej chaw nyiam ua zoo nkaus; cov chaw hauj sam; cov chaw gyms thiab chaw tswj lub cev kom yuag (suav txog cov chaw gyms uas nce siab); cov chaw hookah bars; cov khwv muag khoom rau sab hauv tsev thiab sab nrauv zoov (xws li., txhua feem ntawm ib lub chaw muag khoom uas muaj ntau lub khw muag khoom thiab cov khw noj mov nyob ua ke rau hauv ib thaj chaw); cov chaw tuaj sib ntsib ua kev noj haus rau sab hauv (suav txog cov gyms dia thiab laser tag); cov

chaw zuaj ib ce kho mob, cov chaw zuaj ntsej muag, cov cov chaw cov chaw zuaj rau yav nruab hnuv, thiab cov chaw zuaj ib ce uas tsis yog zuaj kom zoo mob; cov chaw rau khoom teej tug qub; cov chaw txiav rau tes rau taw; cov chaw ntaus phaib; cov chaw caij skating; cov chaw nyob ua si ntawm cov neeg laus; cov chaw mus pw caij ski; cov chaw ntiag tug thiab cia sawd daws mus koom tau; cov chaw sau ntawv moj zeej nqaij/tho nqaij; cov chaw ntaus pob tennis; cov chaw saib mauv vim; cov chaw ua yoga; thiab cov chaw ntawm cov neeg hluas tuaj sib ntsib.

- b. Hauv tsab ntawv txib ntawm Tus Thawj Hauv Tswj Kav Xeev, OHA yuav tau kho cov cai txib kaw cov khw lag luam raws li koog lus 5(a) ntawm Tsab Ntawv Txib (Xaj) Ntawm Feem Tswj Xyuas Txoj Cai no raws li qhov tsim nyog. Txhua cov ntaub ntawv hloov kho dua tshiab ntawm cov ntaub ntawv txib kaw cov khw lag luam raws li txoj cai no yuav muaj nyob rau ntawm <https://govstatus.egov.com/OR-OHA-COVID-19>.
- c. Koog lus 5(a) ntawm siv tsis tau rau cov khw noj mov, cov chaw haus dej haus cawv, cov chaw muag cawv, cov chaw cub cawv, cov chaw haus cawv vais, cov chaw noj mov, cov chaw muag dej kas fes, los sis lwm cov chaw uas muag khoom noj thiab dej haus, yuav tsum ua raws li Tsab Ntawv Txib (Xaj) Ntawm Feem Tswj Xyuas Txoj Caino.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV YIM**

- d. Cov chaw muag khoom rau sab hauv thiab sab nrauv zoov, thiab lwm cov chaw lag luam uas yuav tau ua raws li koog lus 5(a) ntawm Tsab Ntawv Txib (Xaj) Ntawm Feem Tswj Xyuas Txoj Cai no, tsis raug txwv kom kaw muag tej khoom noj, khoom siv ub no rau hauv vaj hauv tsev, khoom noj zoo rau lub cev, tej tshuaj kho mob, khw muag tshuaj, los sis chaw kuaj tsiaj.
- e. Cov chaw caij Ski tsis raug txwv mus ntxiv lawm kiag thaum tshaj tawm daim ntawv txib no mus thiab cov chaw kos duab, cov khw muag ris tsho poj niam, cov khw muag rooj tog, thiab cov khw muag

nyiaj kub los tsis raug txwv mus ntxiv, txij thaum Lub Tsib Hlis Ntuj 15, 2020 mus, txawm tias yuav muaj nyob rau hauv daim ntawv txib kaw xub thawj rau hauv koog lus 2 ntawm Tsab Ntawv Txib (Xaj) Ntawm Feem Tswj Xyuas Txoj Cai 20-12. Cov khw lag luam uas muaj npe raws li koog lus no yuav tsum ua raws li lwm cov cai ntawm Tsab Ntawv Txib (Xaj) Ntawm Feem Tswj Xyuas Txoj Cai no thiab cov lus qhia ntawm OHA, tab sis tsis txwv rau cov khw me muag khoom.

6. Cov Khw Me Muag Khoom. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(1) txog (3), kuv txib hais raws li nram qab no:

- a. Txhua lub khw me muag khoom uas sis nyob raws li koog lus 5(a) ntawm Tsab Ntawv Txib (Xaj) Ntawm Feem Tswj Xyuas Txoj Cai no tsuas qhib muag khoom tau yog lub khw muag khoom ua raws li cov lus qhia ntawm OHA, tab sis kuj tsis yog txwv raws li cov lus qhia no xwb, qhib tau txij Lub Tsib Hlis Ntuj 15, 2020 mus. Hauv daim ntawv txib ntawm Tus Thawj Hauv Tswj Kav Xeev, OHA yuav hloov kho cov lus qhia no rau qee lub sij hawm raws li tsim nyog.
- b. Cov khw muag khoom uas tsis ua raws li koog lus 6(a) ntawm Tsab Ntawv Txib (Xaj) Ntawm Feem Tswj Xyuas Txoj Cai no yuav raug kaw kom mus txog rau thaum pom tau tias lawv kam siv cov cai no lawm.
- c. Koog lus 6 ntawm Tsab Ntawv Txib (Xaj) Ntawm Feem Tswj Xyuas Txoj Cai no kuj siv rau cov khw muag khoom noj thiab cov khw muag tshuaj, uas siv tau txij thaum Lub Tsib Hlis Ntuj 22, 2020 mus. Nws siv tsis tau rau cov chaw saib xyuas mob nkeeg los sis chaw kho mob, uas yuav tsum tau siv cov cai nyob kom sib nrug deb.

7. Cov Kev Txwv rau Hauv Chaw Ua Hauj Lwm. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(1) txog (3), kuv txib hais kom cov chaw hauj lwm xws li nram qab no yuav tsum siv cov kev txwv rau ntawm lub chaw:

- a. Txhua lub khw lag luam thiab cov chaw ua hauj lwm pab dawb rau hauv Oregon yuav ua hauj lwm sib tham raws hauv koo pij tawj thiab ua hauj lwm rau tom tsev kom ntau li ntau tau. Txwv tsis pub ua hauj lwm rau hauv cov tsev ua hauj lwm yog yeej tseem ua hauj

lwm raws hauv koo pij tawj thiab ua hauj lwm rau tom tsev tau, cov qeb dej nug tsis hnyav rau cov qeb hauj lwm sib.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV CUAJ**

lub luag hauj lwm, kev muaj yam khoom siv ua hauj lwm raws hauv koo pij tawj, thiab muaj kev sib koom tes txaus.

- b. Thaum tsis tuaj yeem ua hauj lwm raws hauv koo pij tawj thiab ua hauj lwm rau tom tsev tau, cov khw lag luam thiab cov chaw ua hauj lwm uas tsis yog khw lag luam yuav tsum nrhiav ib tug neeg ua hauj lwm los sis teeb tsa ib tug neeg los tshaj tawm OHA cov cai caiv nyob kom sib nrug deb, nqis tes ua, thiab yuam siv cov cai. Cov cai tswj fwm no kuj yuav tsum ua kom cov khw lag luam los sis cov chaw ua hauj lwm uas tsis yog lag luam siv cov cai nyob kom sib nrug deb rau cov neeg tuaj khiav hauj lwm lag luam tseem ceeb.
 - c. Cov khw lag luam thiab cov chaw ua hauj lwm uas tsis yog khw lag luam yuav tsum siv txhua cov lus qhia ntawm OHA, suav txog cov lus qhia rau cov tswv num hauj lwm tib si. Hauv daim ntawv txib ntawm Tus Thawj Hauv Tswj Kav Xeev, OHA yuav hloov kho cov lus qhia no rau qee lub sij hawm los sis tsim cov lus qhia tshiab ntxiv raws li tsim nyog.
 - d. Cov khw lag luam thiab cov chaw ua hauj lwm uas tsis yog lag luam uas tsis ua raws li koog lus 7 ntawm Tsab Ntawv Txib (Xaj) Ntawm Feem Tswj Xyuas Txoj Cai no yuav raug kaw kom mus txog rau thaum pom tau tias lawv kam siv cov cai no lawm.
8. Cov Tsev Ua Hauj Lwm Ntawm Tsoom Fwv. Ua raws li txoj cai ORS 433.441(3)(a), (b), (d) thiab (f), ORS 401.168(1), thiab ORS 401.188(1) txog (3), kuv txib hais kom cov chaw hauj lwm ntawm tsoom fwv thiab cov tsev hauj lwm xws li nram qab no yuav tsum siv cov kev txwv rau ntawm lub chaw:
- a. Yog ua tau, txhua lub tsev hauj lwm ncau ntawm feem tswj kav xeev thiab cov tsev hauj lwm yuav tsum kaw tsis pub pej xeeb sawv daws tuaj khiav hauj lwm thiab tsuas ua hauj lwm raws hauv xov tooj thiab hauv online rau thaum cov sij hawm teev ua hauj lwm xwb. Rau ntawm thaj chaw uas tsis tuaj yeem kaw tau, kev sib ntsib tim ntsej tim muag ntawm cov neeg ua hauj lwm thiab pej xeeb

yuav tsum tau teem caij, yog ua tau. Thaum kis uas yuav tsum tau ntsib sib tham tim ntsej tim muag, yuav tsum tau siv cov cai nyob kom sib nrug deb, nqis tes ua kiag, thiab yuam siv cov cai kiag raws li qhov tuaj yeem ua tau.

- b. Cov chaw ua hauj lwm ncau thiab cov tsev ua hauj lwm ntawm feem tuav tswj hauv lub xeev yuav hais kom cov neeg ua hauj lwm raws hauv xov tooj thiab ua hauj lwm rau tom tsev, raws li qhov tuaj yeem ua tau. Thaum tsis tuaj yeem ua hauj lwm raws hauv koo pij tawj thiab ua hauj lwm rau tom tsev tau, cov chaw ua hauj lwm yuav tsum nrhiav ib tug neeg ua hauj lwm los sis teeb tsa ib tug neeg los tshaj tawm OHA cov cai caiv nyob kom sib nrug deb, nqis tes ua, thiab yuam siv cov cai.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM**

- c. Tus Thawj Hauv Tswj Kav Xeev yuav hloov kho cov ntawv txib ntawm koog lus 8 ntwm Tsab Ntawv Txib (Xaj) Ntawm Feem Tswj Xyuas Txoj Cai rau thaum tsim nyog. Txhua cov lus qhia tshaj tawm uas raug kho dua tshiab muaj nyob rau ntawm <https://govstatus.egov.com/OR-OHA-COVID-19>.
 - d. Koog lus 8 Tsab Ntawv Txib (Xaj) Ntawm Feem Tswj Xyuas Txoj Cai no siv tau txhua lub tsev hauj lwm thiab cov tsev ua hauj lwm uas muaj tswv los sis raug tswj xyuas los ntawm feem tuav tswj hauj lwm hauv lub xeev. Daim Ntawv Tshaj Tawm Kom Ua Raws no siv tsis tau rau cov tsev hauj lwm thiab cov tsev ua hauj lwm uas muaj tswv los sis raug tswj xyuas los ntawm feem saib xyuas txoj cai thiab kev txiav txim plaub ntug hauv lub xeev, tsoom fwv nom tswv, tsoom fwv nom tswv hauv lub zos, thiab tsoom fwv nom tswv ntawm pawg haiv neeg xeeb txawm, tab sis cov nom tswv no yeej tsis cheem thiab tseem kom sawd daws ua raws li cov cai tswj fwm hauv cov ntaub ntawv txib no.
9. Kev Ncig Tawm Mus Ua Si Sab Nrauv Tshav Puam. Ua raws li txoj cai ORS 433.441(3), ORS 401.168(1), ORS 401.175(3), thiab ORS 401.188(1) txog (3), kuv tau txib hais raws li nram qab no:
- a. Cov neeg tuaj yeem tawm mus ncig ua si sab nrauv tau (taug kev, nce roob, thiab lwm yam), tab sis yuav tsum tsis txhob ua cov hauj

lwm nyob sib ze los yog sib chwv, thiab txwv tsis pub ua cov hauj lwm rau sab nrauv zoov uas tsis tuaj yeem siv cov cai nyob kom sib nrug deb tau thiab yuav tau ua raws li cov lus qhia ntawm OHA thaum tawm mus rau tej chaw ua si sab nrauv tshav puam. Cov thawj coj ntawm cov chaw ua si kuj yuav tsum ua raws li cov lus qhia ntawm OHA. Hauv daim ntawv txib ntawm Tus Thawj Hauv Tswj Kav Xeev, OHA yuav hloov kho cov lus qhia no rau qee lub sij hawm raws li tsim nyog.

- b. Cov neeg yuav tsum tsis txhob tawm mus ua tej yam hauj lwm uas tsis tseem ceeb, ua raws li txhua cov lus qhia ntawm OHA. Thaum ua tau, cov neeg hauv Oregon yuav tsum tawm mus los rau ntawm tej chaw nyob ze vaj ze tsev, ze chaw nyob, los sis ze chaw ua hauj lwm xwb; yog xav tawm mus yuav khoom noj los sis faib khoom noj, nrhiav chaw nyob, yuav tej yam siv rau hauv vaj hauv tsev, kev kawm ntawv, kev saib xyuas mob nkeeg, los sis rau kis muaj xwm txheej kub ntxhov ceev; rau kis yuav tau txais los sis muab tej hauj lwm tseem ceeb rau ua thiab cov kev pab cuam ntawm toom fwv; rau kev saib xyuas mob nkeeg rau tsev neeg, cov tswv cuab hauv yim neeg, cov neeg laus, cov me nyuam yaus, cov neeg nyob nrog, cov neeg tsis taus, los sis lwm tus neeg tsis taus, cov tsiaj yug saib, los sis cov tsiaj yug noj; rau kis yuav tau tawm mus raws li txib hais los ntawm toom fwv, feem yuam siv txoj cai, los sis tawm mus rau ntawm tej chaw ua si lom zem uas raug tso cai los ntawm los sis ua raws li kuv Cov Ntawv Txib (Xaj) Ntawm Feem Tswj Xyuas Txoj Cai thiab cov lus qhia ntawm OHA.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM IB**

- c. Tsab Ntawv Txib (Xaj) Ntawm Feem Tswj Xyuas Txoj Cai no lees raws li kuv daim ntawv txib ua ntej dhau los, siv tau txij Lub Tsib Hlis Ntuj 5, 2020 mus, tso cai cia tej chaw tawm mus ncig ua si uas yog muaj tswv thiab toom fwv li qhib tau yog lawv tuaj yeem ua raws li cov lus qhia ntawm OHA thaum tawm mus rau tej chaw ua si lom zem sab nrauv tshav puam.
- d. Kuv tso cai rau Oregon Parks thiab Recreation Department kaw txhua lub tsev los sis lub chaw yog tsis tuaj yeem siv cov cai nyob kom sib nrug deb tau.

- e. Thaum lub sij hawm no, tseem kaw tag nrho cov chaw tua phu, cov chaw caij skate, cov kis las ua sab nrauv tshav puam, thiab ntawm cov chaw ua si uas muaj khoom khov ua si. Hauv daim ntawv txib ntawm Tus Thawj Hauv Tswj Kav Xeev, OHA los sis lwm cov chaw ua hauj lwm ntawm lub xeev yuav tsim cov cai tso cai cia ib hom los sis ntau hom chaw xws li hais los no qhib tau. Cov cai no yuav muaj nyob rau ntawm <https://govstatus.egov.com/OR-OHA-COVID-19>.

- 10. Kev Kawm Ntawv Qib Siab, Cov Tsev Kawm Ntawv, Chaw Zov Me Nyuam Yaus, Cov Kev Pab Txhawb Rau Cov Hluas. Tus Thawj Hauv Tswj Kav Xeev tau txib hais kom cov tsev hauj lwm saib xyuas kev kawm ntawv hauv lub xeev ua hauj lwm nrog tsev kawmm ntawv thiab feem koom tes nrog kev kawm ntawv thoob plaws hauv Oregon npaj qhib cov tsev kawm ntawv, yog li ntawd cov me nyuam kawm ntawv hauv Oregon thiaj rov qab mus kawm ntawv tau rau lub xyoos 2020-2021. Cov tsev kawm ntawv qib siab tseem yuav siv raws li Tsab Ntawv Txib (Xaj) Ntawm Feem Tswj Xyuas Txoj Cai 20-29, suav txog thaum ntxiv lub sij hawm los sis raug hloov kho dua tshiab los ntawm lwm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Pawg Kws Tswj Xyuas Kev Kawm Ntawv Qib Siab. Cov chaw zov me nyuam yaus, thiab txhua daim ntawv txib hais kom ncu ntxiv los sis txwv ntxiv txog kev zov me nyuam yuav tsum siv raws li Tsab Ntawv Txib (Xaj) Ntawm Feem Tswj Xyuas Txoj Cai 20-19, suav txog daim ntawv txib uas raug kho los ntawm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Lub Tuam Tsev Hauj Lwm ntawm Kev Kawm Ntawv, Feem Saib Xyuas Kev Kawm Ntawv Rau Me Nyuam Yaus, Lub Tsev Hauj Lwm ntawm Kev Zov Me Nyuam Yaus. Cov tsev kawm ntawv K-12 tseem yuav tau ua raws li Tsab Ntawv Txib (Xaj) Ntawm Feem Tswj Xyuas Txoj Cai 20-20, suav txog qhov tau ncu lub sij hawm mus ntxiv los sis raug kho dua tshiab los ntawm lwm Tsab Ntawv Txib (Xaj) Ntawm Feem Tswj Xyuas Txoj Cai, thiab txhua cov lus qhia los ntawm Lub Tuam Tsev Hauj Lwm ntawm Kev Kawm Ntawv. Yog tau txib hais kom ua raws li Tus Thawj Hauv Tswj Kav Xeev hais, OHA los sis lwm cov chaw ua hauj lwm ntawm lub xeev yuav muab cov lus qhia ntxiv rau cov kev pab txhawb rau cov tub ntxhais hluas, suav txog kev qhia rau sab hauv chaw, sab nrauv tshav puam, thiab kev tawm mus pw rau tom tshav puam rau thaum lub caij ntuj sov.
- 11. Cov Lus Qhia. Ntawm kuv daim ntawv txib, thiab raws li qhov muaj cai ntawm no thiab lwm Cov Ntawv Txib (Xaj) Ntawm Feem Tswj Xyuas Txoj Cai, OHA thiab lwm cov chaw ua hauj lwm ntawm tsoom fwv tau tsim thiab tseem yuav tsim cov lus qhia rau pej xeem sawv daws siv, rau cov

tswv num hauj lwm siv, thiab rau feem ua hauj lwm tshwj xeeb ntawm feem saib xyuas kev khwv noj khwv haus siv. Qhov yuav npaj rov qab qhib kev mus los thiab kev khwv noj khwv haus rau hauv Oregon tau yog nce raws li txhua cov neeg nyob hauv Oregon yuav tsum ua raws li cov lus qhia los ntawm OHA thiab lwm lub xeev

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM OB**

cov chaw ua hauj lwm. Oregon tau siv lub tswv yim raws li kev tshawb fawb txhawm rau kev tiv thaiv qhov xwm txheej kub ntxhov ceev ntawm Tus Kab Mob Khaus Viv-19 (COVID-19). Thaum peb tseem yuav kawm kom paub ntau ntxiv txog kev tiv thaiv tus kab mob khaus lauv nam vais lav (novel coronavirus), cov neeg hauv Oregon xav kom muaj kev hloov kho cov lus qhia tiv thaiv txhawm rau tswj xyuas qhov teeb meem xwm txheej kub ntxhov ceev no kom tau zoo. Yuav ua kom tau raws li hais, yog raug txib hais kom ua raws li los ntawm Tus Thawj Hauv Tswj Kav Xeev cov lus txib, OHA los sis lwm cov chaw ua hauj lwm yuav tau hloov kho cov hauv paus cai raws li nyob hauv koog lus 2 txog 10 ntawm Tsab Ntawv Txib (Xaj) Ntawm Feem Tswj Xyuas Txoj Cai raws li qhov tsim nyog, thiab saib raws li kev tso cai los ntawm Tus Thawj Hauv Tswj Kav Xeev. Txhua cov ntaub ntawv hloov kho dua tshiab thiab lwm cov lus qhia yuav muaj nyob rau ntawm <https://govstatus.egov.com/OR-OHA-COVID-19>.

12. Tsab Ntawv Txib (Xaj) Ntawm Feem Tswj Xyuas Txoj Cai 20-07 thiab Tsab Ntawv Txib (Xaj) Ntawm Feem Tswj Xyuas Txoj Cai 20-12 raug tso tseg lawm thiab raug hloov los ntawm cov ntawv txib hauv Tsab Ntawv Txib (Xaj) Ntawm Feem Tswj Xyuas Txoj Cai no.

Txoj Hauj Lwm Rov Qab Qhib Oregon

13. Zeeg Sij Hawm Npaj Rov Qab Qhib. Lub Xeev yuav ua raws li ib lub zeeg sij hawm zuj zus, saib raws li cov ntaub ntawv, thiab cov tswv yim raug tsim kho siv rau hauv ib cheeb tsam txhawm rau hloov kho thiab txo cov qauv cai txwv hais los saum toj saud, txhawm rau rov qab qhib kev mus los, kev khwv noj khwv haus, thiab lwm cov hauj lwm rau hauv Oregon. Kev rov qab qhib no yuav muaj muaj peb zeeg sij hawm—Zeeg Sij Hawm I, Zeeg Sij Hawm II, thiab Zeeg Sij Hawm III. Txheej txheem kev rov qab qhib yog yuav tsum npaj rau feem tseem ceeb ntawm kev noj qab haus huv txhawm rau ua kom tau zoo thiab txhawb nqa kev mus los thiab kev khwv noj khwv haus rau hauv Oregon.

14. Yam Yuav Tsum Muaj rau Kev Pib Zeeg Sij Hawm I. Cov ntawv txib ntawm Zeeg Sij Hawm I raug sau tseg rau hauv koog lus 17 ntawm Tsab Ntawv Txib (Xaj) Ntawm Feem Tswj Xyuas Txoj Cai uas siv tau thooob plaws hauv lub xeev thaum Oregon ua tau raws li txhua feem yuav tsum muaj rau Zeeg Sij Hawm I. Yam yuav tsum muaj ua ntej no raug tsim los ntawm OHA, nce raws li kev tso cai los ntawm Tus Thawj Hauv Tswj Kav Xeev, thiab muaj xws li nram qab no:
 - a. Kev tshwm sim Tus Kab Mob Khaus Viv-19 (COVID-19) muaj tsawg zuj zus;
 - b. Muaj kev kuaj ntsuas txaus;
 - c. Muaj feem soj qab xyuas tus neeg tau nyob ze nrog tus neeg raug tus kab mob txaus;
 - d. Muaj cov chaw cais tus kheej/ceev tus kheej txaus;
 - e. Tawm lus qhia siv thooob plaws rau hauv lub xeev rau Zeeg Sij Hawm I;

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM PEB**

- f. Muaj rab peev xwm saib xyuas mob nkeeg txaus; thiab
 - g. Muaj cov khoom siv tiv thaiv tus kheej txaus.
15. Txheej Txheem rau Kev Hloov Pauv Thoob Plaws Hauv Lub Xeev rau Zeeg Sij Hawm I. OHA yuav ceeb toom rau Tus Thawj Hauv Tswj Kav Xeev thaum txhua yam yuav tsum ua ntej thoob plaws hauv lub xeev raug raws li koog lus 14 ntawm Tsab Ntawv Txib (Xaj) Ntawm Feem Tswj Xyuas Txoj Cai no, thaum lub sij hawm uas Tus Thawj Hauv Tswj Kav Xeev txiav txim siab tias siv tau Zeeg Sij Hawm I lawm, yuav tsum siv raws li cov lus qhia los ntawm OHA. Kiag thaum Tus Thawj Hauv Tswj Kav Xeev txiav txim siab tias, cov ntawv txib ntawm Zeeg Sij Hawm I ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tau thoob plaws hauv lub xeev.
16. Cov Txheej Txheem rau Kev Hloov Pauv Hauv Cov Cheeb Tsam Nroog rau Zeeg Sij Hawm I. Txawm tias Tus Thawj Hauv Tswj Kav Xeev tsis tau txiav txim siab thoob plaws rau hauv lub xeev mus raws li koog lus 15 Tsab Ntawv Txib (Xaj) Ntawm Feem Tswj Xyuas Txoj Cai no los xij, ib lub cheeb tsam nroog tuaj yeem thov hais kom Tus Thawj Hauv Tswj Kav Xeev muab kev tso cai rau Zeeg Sij Hawm I yog ib cheeb tsam nroog ua tau raws li txhua yam yuav tsum ua thawj ntawm koog lus 14 Tsab Ntawv Txib (Xaj) Ntawm Feem Tswj Xyuas Txoj Cai no lawm, thiab txhua cov lus qhia tsim los ntawm OHA. Lub Tsev Hauj Lwm ntawm Tus Thawj Hauv Tswj Kav Xeev thiab OHA yuav hais txog txheej txheem uas cov cheeb tsam nroog tuaj yeem thov kev tso cai raws li koog lus no. Kiag thaum Tus Thawj Hauv Tswj Kav Xeev tso cai cia ib lub cheeb tsa nroog sau daim ntawv thov mus, thiab tsis qeeb dua Lub Tsib Hlis Ntuj 15, 2020, cov ntawv txib hais ntawm Zeeg Sij Hawm I yuav siv tau rau lub cheeb tsam nroog ntawd.
17. Cov Ntawv Txib Rau Zeeg Sij Hawm I. Raws Li Hauv Zeeg Sij Hawm I, thiab txawm tias yuav muaj cov cai tsis mus raws li cov cai xub thawj raws li muaj rau hauv koog lus 2-11 ntawm Tsab Ntawv Txib (Xaj) Ntawm Feem Tswj Xyuas Txoj Cai no los xij, kev tso cai raws li nram qab no siv tau txhua cheeb tsam nroog raws li cov ntawv txib ntawm Zeeg Sij Hawm I, tab sis tsuas ua tau yog ib cheeb tsam nroog raug tso cai thiab ua raws li txhua cov cai rau Zeeg Sij Hawm I uas raug tsim los ntawm OHA:
- a. Kev Sib Sau Los Nyob Ua Ke Coob Rau Hauv Lub Zos. Txhawm rau kev sib sau ua ke raws li raug tso cai los ntawm koog lus 3 ntawm Tsab Ntawv Txib (Xaj) Ntawm Feem Tswj Xyuas Txoj Cai

no, cov neeg tuaj yeem tuaj sib sau ua ke tau ntau txog 25 leej—suav txog kev tuaj sib ntsib los sis tuaj ua si lom zem rau ntawm tej chaw ua si uas yav dhau los raug txwv raws li koog lus 3(b) Tsab Ntawv Txib (Xaj) Ntawm Feem Tswj Xyuas Txoj Cai no—kiag thaum lawv ua tau raws li cov cai caiv nyob kom sib nrug deb thiab lwm cov lus qhia ntawm Zeeg Sij Hawm I uas raug tsim los ntawm OHA. Tso cai rau tawm mus sib sau ua ke rau hauv lub zos tau.

- b. Cov Khw Lag Luam Khwv Noj Khwv Haus. Cov khw lag luam xws li nram qab no tuaj yeem rov qab qhib tau los sis tso cai qhib mus ntxiv raws li qhov lawv ua raws li cov lus qhia los ntawm OHA rau Zeeg Sij Hawm I thiab lwm cov lus qhia ntawm OHA:

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM PLAUB**

- (1) Cov chaw muag khoom noj thiab dej haus, muaj xws li nram qab no xws li cov khw noj mov thiab cov chaw haus cawv haus dej uas muaj khoom no nrog;
 - (2) Cov khw lag luam saib xyuas rau yus tus kheej thiab cov chaw hauj lwm xws li cov chaw txiav rau tes rau taw thiab cov chaw gyms;
 - (3) Qee cov khw lag luam uas yav dhau los rau kaw raws li koog lus 5(a) Tsab Ntawv Txib (Xaj) Ntawm Feem Tswj Xyuas Txoj Cai no, yog muaj rau hauv cov lus qhia ntawm OHA thiab raug tso cai los ntawm Tus Thawj Hauv Tswj Kav Xeev; thiab
 - (4) Lwm cov khw lag luam raws li Tus Thawj Hauv Tswj Kav Xeev hais tawm no yog muaj cai rov qab qhib los sis qhib ua hauj lwm mus txuas ntxiv rau thaum Zeeg Sij Hawm I.
18. Cov Lus Qhia. Nce raws li kev tso cai los ntawm Tus Thawj Hauv Tswj Kav Xeev, OHA (los sis lwm lub chaw ua hauj lwm, thaum raug txib hais los ntawm Tus Thawj Hauv Tswj Kav Xeev) yuav tsim cov lus qhia txog zeeg sij hawm rov qab qhib. Cov lus qhia ntawd yuav tag mus thiab raug hloov kho dua tshiab rau qee cov hauv paus cai; raws li muaj rau hauv Zeeg Sij Hawm I, Zeeg Sij Hawm II, los sis Zeeg Sij Hawm III; thiab muab lwm cov lus qhia tshwj xeeb ntxiv rau sawv daws thiab feem ua lag luam. Cov

lus qhia no yuav muab tshaj tawm rau ntawm lub web nram qab no <https://govstatus.egov.com/OR-OHA-COVID-19>.

19. Kev Hloov Pauv Tom Qab Ntawd. Lub xeev los sis lwm cov cheeb tsam nroog yuav tsis hloov pauv ntawm Zeeg Sij Hawm I mus rau Zeeg Sij Hawm II tau, tshwj tsis yog lub sij hawm dhau mus nees nkaum ib (21) hnuv lawm, txhawm rau tso cai tshuaj ntsuam xyuas txog kev noj qab haus huv ntawm pej xeev ua ntej thaum lub sij hawm hloov pauv ntawd seb zoo li cas.

20. Kis Uas Yuav Rov Qab Siv Cov Cai Txwv Dua. Kev rov qab qhib Oregon uas yuav muaj feem ua rau Tus Kab Mob Khaus Viv-19 (COVID-19) tshwm sim dua tej zaum yuav tsum tau muaj kev txwv ntxiv, txawm tias yuav yog tom qab lub xeev twb tshaj tawm los sis cov cheeb tsam nroog twb tshaj tawm hloov pauv mus rau Zeeg Sij Hawm I lawm los xij los sis tom qab cov zeeg sij hawm ntawd lawm los xij. Nce raws li kev tso cai los ntawm Tus Thawj Hauv Tswj Kav Xeev, OHA yuav hais txog yam teeb meem tshwm sim tshwj xeev uas yuav tsum tau rov qab muaj kev txwv ntxiv. Cov teeb meem no muaj xws li nram qab no:
 - a. Tsis tuaj yeem ua kom tau raws li cov cai kev soj qab xyuas tus neeg tau nyob ze nrog tus neeg raug tus kab mob;
 - b. Muaj pov thawj pom tias muaj neeg raug Tus Kab Mob Khaus Viv-19 (COVID-19) ntau ntxiv; los sis
 - c. Muaj pov thawj pom tias muaj neeg muaj mob hnyav los ntawm Tus Kab Mob Khaus Viv-19 (COVID-19) ntau ntxiv.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM TSIB**

Yog ib ntawm cov teeb meem no tshwm sim, OHA yuav npaj lub rooj sib tham kiag tam sim nrog cov kws saib xyuas kev noj qab haus huv hauv lub zos txhawm rau sib tham txog kev tshuaj ntsuam xyuas ntxiv. OHA yuav muab lus taw qhia rau Tus Thawj Hauv Tswj Kav Xeev, uas yog tus muaj cai txiav txim siab seb yuav ua li cas thiab muaj cai nqis tes ua tau thaum lub sij hawm twg los tau.

21. Zeeg Sij Hawm II thiab Zeeg Sij Hawm III. Hauv daim ntawv txib hais thiab nce raws li kev tso cai ntawm Tus Thawj Hauv Tswj Kav Xeev,

OHA thiab lwm cov chaw ua hauj lwm ntawm tsoom fwv yuav tsim cov lus qhia siv rau Zeeg Sij Hawm II thiab Zeeg Sij Hawm III, suav txog yam yauv tsum ua xub thawj, cov ntawv txib hais, cov kev pauv hloov, cov txheej txheem nqis tes ua, thiab kis uas tsim nyog rau cov sij hawm no.

22. Kev Hloov Kho. Yog raug txib hais kom ua raws li los ntawm Tus Thawj Hauv Tswj Kav Xeev cov lus txib, OHA los sis lwm cov chaw ua hauj lwm yuav tau hloov kho cov hauv paus cai raws li nyob hauv koog lus 13 txog 21 ntawm Tsab Ntawv Txib (Xaj) Ntawm Feem Tswj Xyuas Txoj Cai no raws li qhov tsim nyog, thiab saib raws li kev tso cai los ntawm Tus Thawj Hauv Tswj Kav Xeev. Txhua cov ntaub ntawv hloov kho dua tshiab thiab lwm cov lus qhia yuav muaj nyob rau ntawm <https://govstatus.egov.com/OR-OHA-COVID-19>.

Cov Cai Thuaj Pais

23. Kev Siv Tau Raws Li Txoj Cai. Tsab Ntawv Txib (Xaj) Ntawm Feem Tswj Xyuas Txoj Cai no raug tsim raws qhov muaj cai ntawm Tus Tswv Xeev los ntawm txoj cai ORS 401.165 mus txog 401.236. Yuav ua raws li txoj cai ORS 401.192(1), yuav tsum yuam siv cov ntaub ntawv hais tseg rau hauv Tsab Ntawv Txib (Xaj) Ntawm Feem Tswj Xyuas Txoj Cai no thiab siv tau rau txoj cai, thiab cov cai tam sim no, cov cai qub, cov cai kav thiab cov ntawv txib uas yog cov siv tsis tau rau yam ua tsis raws li cov lus qhia saib xyuas xwm txheej kub ntxhov ceev los ntawm Tus Tswv Xeev.
24. Kev Yuam Siv Txoj Cai. Cov ntawv txib hais nyob rau hauv Tsab Ntawv Txib (Xaj) Ntawm Feem Tswj Xyuas Txoj Cai no thiab txhua cov lus qhia raug tsim los ntawm OHA los sis lwm cov chaw ua hauj lwm ntawv lub xeev txhawm rau nqis tes siv Tsab Ntawv Txib (Xaj) Ntawm Feem Tswj Xyuas Txoj Cai no kom thoob plaws rau hauv lub xeev, tshwj tsis yog raug hais ua mus lwm yam. Tsab Ntawv Txib (Xaj) Ntawm Feem Tswj Xyuas Txoj Cai no thiab txhua cov lus qhia raug tsim los ntawm OHA txhawm rau nqis tes ua raws li Tsab Ntawv Txib (Xaj) Ntawm Feem Tswj Xyuas Txoj Cai no yog cov cai lij choj ntsig txog kev noj qab haus huv ntawm pej xeem sawv daws raws li sau tseg rau hauv txoj cai ORS 431A.005, thiab yuav raug yuam siv raws li raug tso cai rau hauv txoj cai ORS 431A.010. Ntxiv rau ntawm txoj cai nplua lub txim raws li cov cai lij choj, yog tshawb nrhiav pom tias ib tug tus neeg, khw lag luam, los sis ib lub chaw twg tau ua txhaum Tsab Ntawv Txib (Xaj) Ntawm Feem Tswj Xyuas Txoj Cai no los sis ua txhuam ib ntawm cov lus qhia raug tsim los ntawm OHA los sis lwm cov lus qhia ntawm cov chaw ua hauj lwm hauv lub xeev rau Tsab Ntawv

Txib (Xaj) Ntawm Feem Tswj Xyuas Txoj Cai no yog yuav tsum nplua lub txim raws li txoj cai ORS 401.990.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB. 20-25
NPLOOJ NTAWV KAUM RAU**

25. Ntsig txog txoj cai. Yog ib tshooj ntawv, ib tshooj ntawv ncau, ib koog lus, ib koog lus ncau, ib kab lus, ib nqe cai, ib lub tshiab lus, los sis ib lo lus ntawm Tsab Ntawv Txib (Xaj) Ntawm Feem Tswj Xyuas Txoj Cai sau tsis raug, tshooj ntawv no yuav tsis cuam tshuam rau feem seem ntawm Tsab Ntawv Txib hais no.
26. Kev Txiaiv Txim Siab; Tsis Muaj Cai Nqis Tes Ua. Txhua yam kev txiaiv txim siab los ntawm Tus Thawj Hauj Tswj Kav Xeev rau Tsab Ntawv Txib (Xaj) Ntawm Feem Tswj Xyuas Txoj Cai yog nce raws li kev txiaiv txim siab ntawm nws ib leeg xwb. Tsab Ntawv Txib (Xaj) Ntawm Feem Tswj Xyuas Txoj Cai no tsis yog raug tsim, thiab tsis raug tsim los txhawm rau kom ib tug neeg twg muaj cai, muaj cai tshwj xeeb, los sis tau txais txiaj ntsig, txawm tias yuav ntsig txog lub ntsiab lus los sis txheej txheem nqis tes ua, kev yuam siv raws txoj cai lij choj los sis kev tawm tsam ncaj ncees rau Lub Xeev Oregon, nws cov chaw ua hauj lwm, cov tuam tsev hauj lwm, los sis ib tug neeg lis hauj lwm, cov neeg ua hauj lwm, los sis cov neeg ua hauj lwm tam.
27. Hnub Siv Tau. Cov cai siv ntawm Tsab Ntawv Txib (Xaj) Ntawm Feem Tswj Xyuas Txoj Cai no siv tau kiag tam sim, tshwj tsis yog hais ua mus lwm yam, thiab tseem siv kom txog rau thaum Tus Thawj Hauj Tswj Kav Xeev hais kom tso tseg.

Sau tiav rau ntawm Salem, Oregon rau thaum 8:00 teev sawv ntxov, hnub no yog hnub tim 14 lub Tsib Hlis Ntuj, 2020.

Kate Brown
TUS THAWJ HAUJ TSWJ KAV XEEV

TUS UA POV THAWJ NROG KOS NPE:

Bev Clarno
KWS TUAU NTAUB NTAWV NTAWM

LUB XEEV